

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانیه محاکمه سی

آبونه اولوق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرنندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توقیحات

[سیروز سنجانی مرکزینه مربوط قضایر تشکیلات
عدلیه سی]

منلک قضاسی بدایت محکمه سی ریاستی مکتب حقوق
شاهانه مآذونلرندن علی رضا افندی به
محکمه مزبوره مدعی عمومی معاونلکی مکتب
مذکور مآذونلرندن علی بحری افندی به
ذیخنه قضاسی بدایت محکمه سی ریاستی مکتب
مذکور مآذونلرندن حافظ محمد افندی به
محکمه مزبوره مدعی عمومی معاونلکی مکتب
مذکور مآذونلرندن احمد مدحت بکه

رازلوق قضاسی بدایت محکمه سی ریاستی مکتب
مذکور مآذونلرندن مصطفی رامز افندی به
محکمه مزبوره مدعی عمومی معاونلکی مکتب
مذکور مآذونلرندن مصطفی عاصم افندی به
پتیرج قضاسی بدایت محکمه سی ریاستی مکتب مذکور
مآذونلرندن مصطفی افندی به

محکمه مزبوره مدعی عمومی معاونلکی مکتب
مذکور مآذونلرندن عبدالقادر افندی به
تیور حصار قضاسی بدایت محکمه سی ریاستی قوصوه
ولایتی مرکز بدایت محکمه سی سرمستطق تقی الدین
افندی به

قضای مذکور مدعی عمومی معاونلکی سلائیک
ولایتی مرکز بدایت محکمه سی مستطق ثانیسی حسنی
افندی به

نوره قوب قضاسی بدایت محکمه سی ریاستی مکتب
مذکور مآذونلرندن مصطفی خلوصی افندی به
محکمه مذکوره مدعی عمومی معاونلکی قونیه
ولایتی مرکز بدایت محکمه سی ایکنجی مستطق لکندن
منفصل علی رضا افندی به

جمعه بالا قضاسی بدایت محکمه سی ریاستی قاربوط
جزیره سی بدایت محکمه سی رئیس حسین فکری افندی به
قضای مذکور مدعی عمومی معاونلکی اطنه
ولایتی مرکز بدایت محکمه سی مستطق ثانیسی احمد
شاگر افندی به

[ایک ویاقوه تشکیلات عدلیه سی]

ایک بدایت محکمه سی ریاستی قوصوه ولایتی
استیناف محکمه سی جزا دائره سی باش کاتبی شریف
افندی به

مذکور ایک مدعی عمومی معاونلکی کوریجه
سنجانی تجارت محکمه سی باش کاتبی شوقی افندی به

یاقوه قضاسی بدایت محکمه سی ریاستی سنجیه
سنجانی بدایت محکمه سی مستطق سلیمان فخری افندی به
قضای مذکور مدعی عمومی معاونلکی کلیولی
سنجانی بدایت محکمه سی مستطق حسین افندی به
تفویض بیورلمش ومومی الیهمدن حافظ محمد افندی ایله
مدحت بکک وعلی رضا وعلی بحری ومصطفی عاصم

و عبد القادر و مصطفی خلوصی افندی بکک « ذات
شوکتیات حضرت خلافتناهی به ودولت علیه لرینه
صادقانه ایفای حسن خدمت ایده جککیرینه ومغایر عدالت
وخلاف ناموس و صداقت احوالی ده ارتکاب ایتییه
جککیرینه » دائر امر تحلیف لری اجرا و دیگر لرینک ده
اجرای تحلیف لری خصوصی محالیرینه تبلیغ و انبا قلمشدر.

تبلیغات

بولتیقه وسوء قصد واخل آداب عمومیه حرکا-
تدن ماعدا جرائم عادیه ایله محکوم اولان مجرمیندن
در سعادت حبسخانه عمومیسندن محبوس اولوب
ثلثان مدت جزایه لرینی اکیال ایتیش اولان یوزاون
اوچ کشینک « ولادت باهر السعادت جناب رسالتپناهی »
شرافت وحرمتنه اخلاهی سیبللری وطشره حبسخانه
لرنده محکوماً محبوس بولنان بومثللو مجرمینک دخی
عفو عالی پادشاهیدن استفاده ایتک اوزره کیفیتک
هر طرفه تلغرافله تبشیری خصوصنه اراده مراجع
معتاده حضرت تاجداری شرفتعلق بیورلمش و بر
منطوق امر فرمان هایون اقتضاسنک همان ایفاسی
ضمننده عدلیه نظارت جلیله سندن طشره محاکم
استینافیه سی مدعی عمومیلککیرینه تلغراف ایله کیفیت
تبلیغ و تبشیر ایدلدیکی کی در سعادت حبسخانه سنده
محبوس اولوب مظهر عفو عالی اولان مجرمینک ده

حضوری معتاد اولان ذوات مواجیه سنده کچن بازار
ایرتسی کونی سیبللری تخلیه اولنورق عمومی طرفندن
دعای تمادی عمر و اجلال ولی نعمت بیمنت اعظمی
تذکار وتکرار قلمشدر.

مکتب ملکیه شاهانه وزنه داری پتری افدینک
کفالت مقامنده تأمینات کوستردیکی املاکنک خارجه
اولان دیون محکومه سیچون دائره اجراجه مزایده سنه
تشبث اولنوب مومی الیهک ایسه دیگر کفیل ارانه سندن
اظهار عجز ایتسنه مبنی فروخت اولنجه حق املاک
بدلندن اوتوز بیک غروشک کفالت مقامنده نقداً
معارف وزنه سنه ارسالیله اوست طرفنک داینلره
اعطاسی حقنده سبق ایدن اشعاره جواباً اسکدار
اجرا مأموریتندن وارد اولان مذکره ده داینلردن
بر قسمنک بوکا راضی اولمدینی بیانیه مومی الیهن
آیروجه تأمینات اخذیه املاکی اوزرنده کی حمزک
فک ایتدیرلمسی ازار قلمش و کفالتیه ربطی اقتضا
ایدن مأمورین مالیهنک حسابلری بالرؤیه ذمتلری
ثابت اولدجه مدیون عد اولنله مزلر ایسه ده اموال
امیریه ده احتمال محقق عد اولنله جغنه نظراً سائر
غرمایه نظارتک مشارک اولمسی لازم کله چکی مجلس
معارفدن افاده اولنمش ایدوکندن بختله اجرا مأموریتنه
تبلیغات مقتضیه ایفاسی حقنده معارف نظارت علیه-
سندن وقوعبولان اشعار اوزرینه، املاک مبحوث
عنہانک تعریف قانونی وجهله می یوقسه نظارت مشار-
الیهادن واقع اولان اشعار اوزرینه قیدلری بالاسنه
شرح ویرلمش اولوق صورتیه می محجوز اولدقلری
اکلاشیله میوب مع مافیه قانون دائره سنده حجز ایدلمش
اولدینی تقدیرده دخی دیگر حاجزلرک غرامه محجوزدن
استیفای حق ایتک صلاحیت قانونیه سی اولسنه کوره
املاک محجوزه بدلندن نظارت مشارالیهابه حصه
تفریق وتوقیفی بر حکم قطعینک وجودینه ویاخود
دیگر داینلرک رضاسنه متوقف اولوب بوکا ایسه
غرمانک راضی اولمدینی سیاق اشعاردن اکلاشلمقده
بولنمش اولمقله صورت اشعارک ترویجنه مساع قانونی

اولمدینی انجمن عدلیه دن افاده اولنش و کیفیت عدلیه نظارت جلیله سندن اولوجه نظارت مشار الیه جواباً اشعار قلمشدر .

محاکمات و مقررات

۱/ شامک عقیه محله سندن زکریا ابن عبداللہی قتل ایلدیکی ادعا اولنمسندن دولای جنایتله اتهام اولنان شاده بن محسنک حین ایقاع جرمدہ اون بش باشنی هنوز اکل ایتماش بولنمسندن دولای بش سنہ مدتلہ کورکہ قولنسنہ دائر سوریه ولایتی استیناف محکمہ سی جزا دائرہ سندن ویریلان ۱۳۵ نومرولی اعلام محکمہ تمیز جزا دائرہ سنجه تصدیق اولنمشدر .

توخت ناحیه سنک اوکسور قره سندن عمر بن ولیمی بی قتل قصدی اولمقیزین ضرب ایله وفاتسنہ سببت ویرمسندن دولای جنایتله اتهام اولنان علیشک بش سنہ مدتلہ کورکہ قولنسنہ دائر کفری پنجانی بدایت محکمہ سی جزا دائرہ سندن ویریلان ۲۱۱ نومرولی اعلام محکمہ تمیز جزا دائرہ سنجه تصدیق اولنمشدر .

قدس شریفده مقام موسوی هارونک آلت مخصوصه صه ایله دکاتی دیواری دله رک اشیا سی سرقت ایتمسندن دولای جنایتله اتهام اولنان شاده بن ابراهیم المصطفائک اوج سنه مدتلہ کورکہ قولنسنہ دائر قدس شریف بدایت محکمہ سی جزا دائرہ سندن ویریلان ۸۵ نومرولی اعلام محکمہ تمیز جزا دائرہ سنجه تصدیق اولنمشدر .

تجاردن اساق میشونک مغازه سی کلیدی اختارایله آچهرق برنجاری سرقت ایلدیکری ادعا قلمسندن دولای جنایتله اتهام اولنان حال یاقولدمورده های ورفیق بارونک اوجر سنه مدتلله کورکہ قولنلر سنہ دائر سلا نیک ولایتی استیناف محکمہ سی جزا دائره سندن ویریلان ۲۲۰ نومرولی اعلام محکمہ تمیز جزا دائرہ سنجه تصدیق اولنمشدر .

قومانوه قضاسنک واروش محله سی اهلایسندن زجی مانه ولطاسونک کیفیت قتلندن دولای جنایتله اتهام اولنان محله من بورلی کله ولد قرستونک اون بش سنہ مدتلہ کورکہ قولنسنہ دائر قوصوه ولایتی استیناف محکمہ سی جزا دائرہ سندن ویریلان ۶۵ نومرولی اعلام محکمہ تمیز جزا دائرہ سنجه تصدیق اولنمشدر .

۱۷۱ نومرولی نسخه ده مندرج در سعادت جنایت محکمہ سی اعلامنک مابعدی :

بونک اوزرینہ مدعی شخصی راشد افندی طرفندن اعطا ایدیلان بولصده اسمایی محررکسانک اظهار حقہ مدار اولمق اوزره جلیبری جانب ریاستدن تسبب ایلدیکی افهام ایدلنکله مہم وکیللرندن خیار سوم افندی مہملرک صورت اشتراکیله مغازه ده موجود مالک مقداری خبر ویرہجک اولان بک اوغلندہ جادہ کیرده بقال استاورو ماورو واسیلادیس وسینی بک دخی محترق دکان مدخلندہ مانقسا طورہ جیاق ایدن بک اوغلندہ مقصودیه آپارتمانی تحتندہ مانقدا طورہ جی یانینک اظهار حقہ مدار اولمق اوزره جلیبری طلب اتلرله جانب ریاستدن انلرکده جلیبری تسبب اولنهرق محاکمه یوم آخره تعلیق ایدیلوب تشرین اولک اون سکزنجی بخشینہ کونی مہملر توقیفخانہ دن کتوردیلرک وکیللری محکمہ تزدندہ مستخدم دعوی وکیللرندن سینی بک وخیار سوم افندی واستیناف مدعی عمومیلکی باش معاونی عزتلو حیدر بک ومدعی شخصی راشد افندی حاضر اولدقلری حانده محاکمه علنیہ ده دوامله مدعی شخصی راشد افندی طرفندن اعطا ایدیلان بولصده اسمعلری محرر اولوب جانب ریاستدن اظهار حقہ مدار اولمق اوزره جلیبری تسبب ایدیلان بک اوغلندہ توتونجیلک وصرافلی ایدن اوتوزاتی یاشندہ حانیله ثولوغوس ولد نیقولی وبک اوغلندہ قہوہ قومرمدہ درکتور اوتوز یاشندہ اونیک اغا ولد الیشان وخیار سوم افندی طرفندن جلی طلب ایدیلان بک اوغلندہ جادہ کیرده بقال اوتوز اتی یاشندہ استاوروی ولد واسیل وسینی بک طرفندن طلب ایدلمش اولان بک اوغلندہ مقصودیه آپارتمانی تحتندہ مانقفا طورہ جی التمش طقوز یاشندہ یونانی یانی ولد نیقولنک ورود استدکری خبر ویرلنکله برر حضور محکمہ جیقاریلهرق لدی السؤل مہملر ایله مدعی شخصی راشد افندی به قرابت ومناسبت وخصوصتلی اولمدینی اکلانشلدقندن کندولرینہ خطارات لازمه ایفا قلند قدن صکره بولردن صراف وتوتونجی ثولوغوس مقدما دخی اظهار حقہ مدار اولمق اوزره استماع ایدلمش اولدیغندن بوکره مہم لونی ایله دیستوقلی یینندہ اورتاق اولوب اولمدینی سؤل ایدلنکده محترق دکاندہ لونی و دیستوقلی رلنکده بولنقدلر ایسده اورتاق اولوب اولمدقلرینی بیلمدیکی سوبلدی . اونیک اغا واستاوروی وانی دخی لدی الاستماع بولردن اونیک اغا دیستوقلی ولونینک اورتاق اولوب اولمدقلرینی بیلمدیکی ولونینک مقدما کندوسنک

بولدینی قہوہ خانہ اتصلاندہ کی دکاندہ ایکن کرا ویرمدیکندن طولانی جیقارلسیله دیستوقلنک دکاندہ کیندیکی بیان ایتدی .

عند السؤل مہملرندن لونی کندوسی مقدیمہ بولدینی دکانک بدل ایجاری دایما ویرمکده ایدوکی سرد ایتدی .

بقال استاوروی برکون دیستوقلنک محترق اولان دکاندہ کیندیکنندہ لونی بی اورادہ کورسیله سؤلاندہ مرقوم لونی بک دیستوقلنک دکانک نصفی استیجار ایتدیکنی سوبلدیکی درمیان ایلدی .

مانقفا طورہ جی یانی، لونی و دیستوقلنک اورتاق اولوب اولمدقلرینی بیلمدیکی ووقعہ زمانی کندوسی محترق دکانک یاشندہ کی دکاندہ بولندینی ومالی سیغور طہلی ایدوکی سوبلدی .

مدعی شخصی راشد افندی مانقفا طورہ جی یانی دیستوقلی به التمش لیرایه کفیل اولدیغندن بخلہ مرقوم دیستوقلنک بوالتمش لیرانی ویرمامک ایچون دکانی یاقدینی سوبلدیکی بیان ایتکله عند السؤل مرقوم یانی دیستوقلنک برادر زاده سنہ بورجلی اولدیغنی و دیستوقلی دخی کندوسنک بورجی وکفیل وار ایسده اوبشقه برمسئله ایدوکی آتیان ایلدیلر .

واقع اولان استیضاح اوزرینہ طرفین توسیع تحقیقاتہ متعلق برطبلری اولمدینی سوبلرله جانب ریاستدن تحقیقاتک بوندن عبادت ایدوکی بیان اولدقدہ معاون مومی الہ بروجه آتی سرد مدعا ایلدی :

منفعت شخصہ لری خلقک مضرتندہ آریاہرق برحریق خاتمانسوزہ اجسار ایدن بوابکی مہم فعل مدعا بک فاعللری اولدینی حقندہ تدقیق وتعمیق نظر قاعده سی دائرہ سندنہ عرض وقصیل ایدہ جکم اسباب ودلائل ایله مبتدر . اشبو دلیل وسبلری اساسیله اطرافیلہ اکلایم ایچون ایشی بدایتندن طو تلم محاکمه ضبطنامہ سندنہ دخی ذکر اولدینی اوزره میان اوراق دعوا دہ ابتدای تعقیب وتحقیق حالی منضم ایکی مفصل ومدلل اساس ژورنالی موجود بولنوب بولنلرک خلاصہ مال وخاتمہ مندرجاتی مہمل لونی و دیستوقلنک بوبولده سابقہ لی وسؤ حال احسانندن اولدقلرینی و مرقوم لونی هر کیچہ خانہ سندنہ باتور ایکن لیلہ وقعدہ حق بکی وسیلہ اتخاذ وحالبوکه بومسافره کندوسی اصرار ایدرک دکاندہ قالدقلرینی وایشلرینک یکدیگرینہ پکده مناسبتی اولیوب لونی بک سابقہ سی دخی بیلدیکی حالده دیستوقلی طرفندن جاب ایله عقد شرکت استدکری وهر ایکسی دخی مکتوم طوتوب کویا بربریندہ معلومات ویرمیرک بشقه بشقه قومانیلرہ مراجعتله موبله واشیای سائرہ بی درکندن

فضله فیأیله سیغورطہ به قوبدقلرینی ومع هذا لوثیدن امین اوله میان سیغورطہ قومانیسی فسخ مقاولہ طلبندہ براخبار نامہ کوندرمش بونی تاید وتکرار ایشی ایسده مرقوم لونی عدم موافقتله ایشی تعویق وتأخیر ایلرک حرشق دخی واستادہ ظہورہ کلدیکی ودکاندہ مواد مشعلہ ناک اطاقسنہ جالیشیلورکن سی واقی ثمرہ سبز رافقی ایچون آتشک اشتدادیلہ دکانک یاقسنی موجب شیلر یالیدیغنی وکندوسی متاهل،چولوق چوجق صاحبی اولدینی حالده برده ماتونیتایی بولنقدلر بولنلرک اداره سنجه مشکلات چکوب ایکسندنہ اخذ واعطالری بولندہ کینمدیکی واشبو احوال ایله شاهدلرک صورت شہادت واخسارتنہ نظراً حریق مذکور ی بوابکی مہملک وقوعہ کتیردکری میندر . (مابعدی کلہ جک نسخه به)

غلطه طوغری بولده کاش غازیئودہ قوزمانی جرح وقتل ایلدیکی ادعاسیله مہم بولنان قصاب چراغی یورکی ولد وانیکل حقندہ اجرا قلنان محاکمه نتیجہ سندنہ مرقومک بالهور قوزمانی جرح وقتل ایلدیکی شاهدلرک شہاداتی ومعاینہ راپوری مندرجاتی ودلائل سائرہ ناک اضمای ایله تبیین ایتدیکندن اول وجهلہ مجرمیتہ وقانون جزانک یوزیمش دردنجی مادہ سنک فقرہ اولامی حکمنہ توفیقاً اون بش سنہ مدتلہ کورکہ قولنسنہ ۸ مایس سنہ ۳۱۹ تاریخندہ محکمہ جنایتجہ قرار ویرلمشدر .

تیور قپودہ کوچک اغا جادہ سندنہ تہی عرصہ ده جرح وقتل ایدیلان حال حسنک کیفیت قتلندن طولانی اتهام قلنان غزہ موزعلرندن عثمان وزوجہ سی سنجہ حقندنہ اجرا قلنان محاکمه نتیجہ سندنہ مرقومک بولنلر طرفندن جرح وقتل ایلدیکی حقندہ عند الحاکمه درمیان اولنان احوال حکم ایچون تأمین وجدان ایدہ مدیکندن برائتیرنہ وشوقدرکہ محکمہ جہ جریان ایدن تحقیقاندن حاصل اولان احوال مقدما مستنطق طرفندن منع محاکمہ لیرنہ قرار ویریلان اشخاص حقندنہ دلائل جدیدہ دن عد اولندینی حالده آنلر حقندہ کی معاملہ ناک اجرائی مدعی عمومیلک عائد بولندیغنه ۳ مایس سنہ ۳۱۹ تاریخندہ محکمہ جنایتجہ قرار ویرلمشدر .

اقتیمک دکاتی آلت مخصوصه ایله آچهرق فعل سرقتہ اجسار ایلدیکری ادعاسیله مہم بولنان احمد وحسین ورحیم وعینک اجرا قلنان محاکمه علنیہ لری نتیجہ سندنہ مرقوموندن احمد وحسین ورحیمک

اوجیوز اون سکز سنہ می تشرین اولنک بدنجی بخشینہ کیچہ سی استانبولده چاققچیلر یقوشندہ کاش شالچی اقتیمک دکاتی قپوسی آلت مخصوصه ایله آچهرق درونہ بالدخول برطاقم شال ایله دکاندہ بولنان قاصہ بی کشاد ایدرک درونندہ کی اچہ سی سرقت ایتدکری اخبارات وکندولریمک صورت افادہ لری ومسروق ایشیلرک برقسمنک اوطملرندن ظہور ایتیمی ودلائل وامارات سائرہ ایله ثابت اولدیغندن مجرمیتلرینہ وقانون جزانک ایکی یوز یکرمنجی مادہ سنہ توفیقاً بشر سنہ مدتلہ کورکہ قولنلرینہ ودیکر مہم علینک اشبو سرقتندہ دخل واشتراکی اکلانشیلہ مدیغندن انکده برائتنہ وشوقدرکہ مرقوم علینک من بوراحدی ضرب وجرح ایلدیکی کندوسنک مؤلاً واقع اولان اقراری ایله تحقیق ایلدیکندن مرقومکده اشبو جرح فعلندن طولانی قانون جزانک یوزیمش طقوزنجی مادہ سنہ توفیقاً بر هفته حبسنہ ۲۲ مایس سنہ ۳۱۹ تاریخندہ محکمہ جنایتجہ قرار ویرلمشدر .

محله آرمندہ سلاح انداخت ایدن فری قرہ به سندنہ ساکن انطونیونک یکرمی درت ساعت حبسنہ واوج بشلک جزای نقدی آلمسنہ قاسم یاشالی فسجی فخری افندینک اوغلی شریفی ضرب ایدن قاسم یاشادہ ساکن حسندن اوج لیرا آلنوب شریفه ویرلمسنہ یورکی قالفیہ اطالہ لسان ایدن قاضی کوبل اسکندر اوغلی طناشدن یارم لیرا جزای نقدی آلمسنہ قوجونی ضرب ایدن چنکل کوبندہ ساکن بالقجی ظریفینک برهفته حبسنہ یکدیگرینہ اطالہ لسان ایدن نقاش عبدالقادرندن بر وخیلیدن یارم لیرا جزای نقدی آلمسنہ عونیک مجروحیتنہ سببت ویرن اسکدارده بلبل دره سندنہ آراہجی بہاء الدینک برهفته حبسنہ والتش غروش مصارف جراحیلہ دخی تحصیلہ پولیخرونی ضرب ایدن قاضی کوبندہ ساکن بقال کیغورقک برهفته حبسنہ علی بی ضرب ایدن احمد بکدن ایکی لیرا آلنوب مضروبہ اعطاسنہ اجرای مأموریت حالندہ پولیس چاوشی توفیق افندی به حقارت ایدن ماری بنت آندوندن ایکی لیرا جزای نقدی اخذینہ درویشک، یوانی ضرب ایلدیکی ثابت اولدیغندن برهفته حبسنہ قومیسر حسین حسنی افندینک شہر اماتی تحصیلات قلمی کتبہ سندن توفیق بک لغرض بعض

اسنادات ومقرراتندہ بولنلق صورتیلہ وظیفہ سی سوء استعمال واطالہ لسانہ اجسار ایلدیکی ثابت اولدیغندن ایکی سنہ حبسنہ فنارلی پنا یوطک روم بطریقخانہ سی مأمورلرندن نیقولانکی افندی به اطالہ لسان ایلدیکی ثابت اولدیغندن یکرمی درت ساعت حبسنہ یورکی ویاندہ لی بی ضرب ایدن پولیس ابراهیم افندی ایله صندالچی شکرینک اوجر ای حبس لیرنہ درسعات ، بک اوغلی واسکدار بدایت محکمہ لری جزا دائرہ لرنجہ قرار ویرلمشدر .

الانکات

درسعات استیناف مدعی عمومیلکندہ :

شیله قضاسنہ تابع صاری قوقاق قرہ سی حدودی داخلندن مرور ایتکده اولان واسیل وخرمیلونک لیلہ ومسلاحاً اوکراینہ جیقہرق معاملہ جبر شدت اجرا سیلہ بارکیبر واچہ لرنی اخذ وسرقت ایلدیکی ادعاسیلہ مہم بولنان اوزون بوبلی آبالق یوزوصاری بیقلی قدردہ قضاسنہ تابع قتاح قشلہ قرہ سی اهلایسندن بیرام حقندہ اصول محاکمات جزائیہ قانوننک اوجیوزیمش برنجی مادہ سی موجبہ معاملہ مقتضیہ ایفا ومحاکمہ غیبیہ سی بالا اجرا قانون جزانک ایکیوز اون سکزنجی مادہ سی حکمنہ توفیقاً اوج سنہ مدتلہ کورکہ قولنسنہ واوتوز برنجی مادہ قانونیہ منظوقجہ حقوق مدینہ دن اسقاطنہ واموالنک اصولی دائرہ سندنہ اداره ایتدیرلمسنہ محکمہ جنایتدن حکم اولنمش واصول محاکمات جزائیہ قانوننک اوجیوزیمش بدنجی واوجیوزیمش سکزنجی واوجیوز سکسان برنجی مادہ لیرلہ مواد سائرہ سی احکامنہ توفیق معاملہ اولنسی مرجعہ بیلدیرلمش اولمقدہ مذکور اوجیوزیمش سکزنجی مادہ ناک جلہ احکامندن اولدینی اوزره اعلان کیفیتہ ابتدار قلندی .

بیک اوجیوز اون سکز سنہ می ایلونک یکرمی دردنجی کونی ساعت بش رادہ لرنده کراولی بسند جوارندہ استغفونی قتل قصدیله جرح ایلدیکری ادعاسیله مظنون علیہ اولوب غیر موقوف بولسان واوصافی واشکال مخصوصہ لری استتقاقنامہ ایله اوراق متفرعہ سندنہ مضبوط بولنمان انجہ کوبندہ قوریمجی التمش یاشندہ سلیمان بن زبیل ایله کڈلاک محل مذکورده مقیم یکرمی اوج یاشندہ چشکرکلی قوریمجی احمد بن علینک اصول محاکمات جزائیہ قانوننک مواد مخصوصه سی احکامنہ توفیقاً درسعات جنایت محکمہ سندنہ

محاکمه لری اجرا قلنق اوزره قانون جزائک یوز سکسانجی ماده سی موجبہ جنایتلہ اتہاملرینہ قرار ویرلیدکندن متہمان مرقومانک ہر نرہدہ کوریلورلر ایسہ طوتیلوب محکمہ مذکورہ توقیفخانہ سنہ تسلیم لری لازم کلہ چکی بالجلہ ضابطہ عدلیہ مأمورلرینک معلومی اولمق اوزره اشباوخذ وکرفت مذکورہ سی درسعادت ہیئت اتہامیہ سندن بالتنظیم اعطا قلندی .

بیغا سنجائی بدایت محکمہ سی اجرا دائرہ سنہ :

بیغا قضاسی مضافانندن چاک ناحیہ سنک قوچہ یایلا قریہ سندن قرہ علی بی ضرب ایلہ وفاننہ سیبیت ویر۔ دیکی ادعاسیلہ مظنون علیہ اولوب درسعادت ہیئت اتہامیہ سندن جنایتلہ حقندہ اخذ وکرفت مذکورہ سی ویرلمش اولان اورتہ بویلی قرہ جہ کوز و بیسقلی وقرمزی چہرہ لی قرق یاشلرنده قوریجی شاکر ایلہ فعل قتلہ مرقومہ معاونت ایتدیکی بیانیلہ کذلک مظنون علیہ اولوب جنایتلہ اتہام ایدلمش اولان اورتہ بویلی قرہ کوزلی سیاہجہ چہرہ لی مطروش مذکور قوچہ یایلا قریہ لی اوتوز الی سئلرنده ولی حسین اوغلی قوریجی عزیززمان وقواعتدنبرو وادی قرارده اولوب الآن الہ کچوریلہ مامش اولمزلرنناشی اصول محاکمات جزائیہ قانوننک اوچیوز یتیش برنجی ماده سی موجبہ قانونہ اطاعتلہ محکمہ یہ کللری ایچون جانب ریاستدن مجدداً اون کون مهل ویرلمش اولدیغندن مدت مذکورہ ظرفندہ اثبات وجود ایتدکلری حالده محاکمہ لری غیاباً بالاجرا حقوق مدنیہ دن اسقاط وماللری حجز ایدیلہ چکی وبوبایدہ مرقومانک برکونہ دعوی اقامہ سنہ حق لری اولہ میہ جنی کبی بولندقلری محلی بیانلر خبر ویرمکہ وبالجلہ ضابطہ عدلیہ مأمور۔ لرینک مرقومانی در دست ایتکک مجبور بولندقلری اعلان اولنور .

ایکنجی تجارت محکمہ سنہ :

چارشوی کیرده ترزیزلر قاغنده مقیم مانیفاطوره تجارتدن نسیم غیاک ۲۳ نیسان سنہ ۳۱۹ تاریخندن اعتباراً اعلان افلاسنہ ومصالح افلاسیہ نک رؤیت وتسویہ سی ضمنتدہ اعضای محکمہ دن سعادت لورضا بکک ژوز قومیسر ومکتب حقوق شاهانہ طلبہ سندن ظریف افندیکنک موقت سنديک تعینلرینہ ومغازہ سیلہ اشیا ی زائده بیتہ سنک تمہیرینہ واوراق ودفاترینک جلبنہ وکندوسنک کفالت ارانہ ایدہ مدیکی تقدیرده توقیفنہ وبوبایدہ کی قرارک موقۃ اجرا سنہ ایکنجی تجارت محکمہ سندن قرار ویرلمش اولدیغندن قانوننامہ تجارتک ۱۷۰ نجی ماده سی موجبہ دائمی سندیکلر انتخاب

اولمق اوزره اشباو ۳۱۹ سنہ سی حزراننک ایکنجی بازار ایتسی کونی ساعت سکز راده لرندہ اصحاب مطلوبک محکمہ مذکورہ نک افلاس اوپہ سنہ کللری اعلان اولنور .

بلاطدہ چارشودہ ساکن ایکن ایکنجی محکمہ تجارتدن افلاسنہ حکم اولنش اولان اجزاجی یاسف تیساسونک خصوصات افلاسیہ سنک رؤیت وتسویہ سی ضمنتدہ دعوی وکیللرندن آمون افندی اصلہ سنديک تعین قلنمش اولدیغندن مفلس مرقوم ذمتندہ آلہ جنی اولانلرک قانوننامہ تجارتک ۱۹۹ و ۲۰۰ نجی ماده لری موجبہ تحقیق دیون ایچون تاریخ اعلاندن اعتباراً یکرمی برکون ظرفندہ سنداتی محکمہ کاتبہ تسلیم ایللری ومدت مذکورہ ختامندن صکرہ اوچ کونده یعنی ۳۱۹ سنہ سی حزراننک اون دردننجی جمعہ ایتسی، اون التنجی بازار ایتسی واون یدنجی صالی کونلرنده ایکنجی محکمہ تجارتک افلاس اوپہ سنہ کلرک سنديک افندی مواجہہ سنده آلہ حق لری اثبات وقید وتصدیق ایتدیرملری ومدت مذکورہ دن اثبات وجود ایدہ میان آلہ جقلولر حقندہ قانون مذکورک ۲۱۰ نجی ماده سنہ توفیقاً ایفای معاملہ اولنہ جنی اعلان اولنور .

غلطدہ قلفات یرندہ ساکن ایکن ایکنجی محکمہ تجارتدن افلاسنہ حکم اولنش اولان کریاقو کوسہ اوغلی ویوان قرہ مان اوغلی شرکتک خصوصات افلاسیہ سنک رؤیت وتسویہ سی ضمنتدہ دعوی وکیللرندن خریسانطوس وظریف افندی اصلہ سنديک تعین قلنمش اولدقلرندن مفلس مرقوم ذمتندہ آلہ جنی اولانلرک قانوننامہ تجارتک ۱۹۹ و ۲۰۰ نجی ماده لری موجبہ تحقیق دیون ایچون تاریخ اعلاندن اعتباراً یکرمی برکون ظرفندہ سنداتی محکمہ کاتبہ تسلیم ایللری ومدت مذکورہ ختامندن صکرہ اوچ کونده یعنی اوچیوز اون طقوز سنہ سی حزراننک اون یدنجی صالی، اون سکزننجی چہارشنہ واون طقوزنجی پنجشنہ کونلرنده ایکنجی محکمہ تجارتک افلاس اوپہ سنہ کلرک سنديک افندیلر مواجہہ سنده آلہ جقلرینی اثبات وقید وتصدیق ایتدیرملری ومدت مذکورہ دن اثبات وجود ایدہ میان آلہ جقلولر حقندہ قانون مذکورک ۲۱۰ نجی ماده سنہ توفیقاً ایفای معاملہ اولنہ جنی اعلان اولنور .

بتلیسدہ شعبہ سی بولنوب درعلیہ دہ بارناطان خانسدہ پولیچہ جیلق ایتککدہ ایکن ایکنجی محکمہ تجارتدن افلاسنہ حکم اولنش اولان ابراهام اوقیان ودیقران وبرادرلر اواکیان شرکتک خصوصات افلاسیہ سنک رؤیت وتسویہ سی ضمنتدہ دعوی

وکیللرندن عثمان طلعت بک ایلہ اونیک افندی ایتیان اصلہ سنديک تعین قلنمش اولدقلرندن مفلس مرقوم ذمتندہ الاجنی اولانلرک قانوننامہ تجارتک یوزطقسان طقوزنجی وایکیوزنجی ماده لری موجبہ تحقیق دیون ایچون تاریخ اعلاندن اعتباراً اوتوز بش کون ظرفندہ سنداتی محکمہ کاتبہ تسلیم ایللری ومدت مذکورہ ختامندن صکرہ اوچ کونده یعنی اوچ یوزاون طقوزسنہ سی شہرتموزینک اون دردننجی بازار ایتسی، اون بشنجی صالی واون التنجی چہارشنہ کونلرنده ایکنجی محکمہ تجارتک افلاس اوپہ سنہ کلرک سنديک افندیلر مواجہہ سنده الاجقلرینی اثبات وقید وتصدیق ایتدیرملری ومدت مذکورہ ظرفندہ اثبات وجود ایدہ میان الاجقلولر حقندہ قانون مذکورک ایکیوز اوننجی ماده سنہ توفیقاً ایفای معاملہ اولنہ جنی اعلان اولنور .

اسکدار بدایت محکمہ سی اجرا دائرہ سنہ :

عطیہ خانمک خرسانجی آغوب ذمتندہ آلہ جنی بولنان مبالغک تأمین استیفا سی ضمنتدہ حجز اولنان مرقوم آغوبک درسعادتدہ لالہ لی جوارندہ ملاکستل محلہ سنده چقورچشمہ دہ [بیوک طاش خان] دیمکک معروف خانده واقع اوست قاتندہ ۲۶ و ۲۷ نومرولی ایکی باب اوپہ لری تاریخ اعلاندن اعتباراً اون بش کون صکرہ بالمزایدہ فروخت اولنہ جنی اسکدار بدایت محکمہ سی اجرا دائرہ سندن اعلان اولنور .

میکمچ صغیر بدایت محکمہ سی اجرا دائرہ سنہ :

غلطدہ یاقوت خانسدہ مقیم دری تجارتدن علسکساندر لامبریدینک کوچک چکمکجہ قضاسی مرقوم بوطانندن قلفہ قریہ سنده مقیم جلب اپوستول ولد دیمتیردن درسعادت ایکنجی تجارت محکمہ سی اعلامیلہ الاجنی اولان مبالغ معلومہ نک تأمین اخذ واستیفا سی ضمنتدہ مدیون مرقومک عہدہ تصرفندہ اولوب محجوز بولنان قریہ مرقومک عہدہ کائن معلوم الحدود والموقع برقطه ترا وبرقطه باغ ودیکر برقطه ترا وبرقطه عرصہ وبرقطه خانہ نک عندالمزایدہ آری آری بدلارایلہ طالبی عہدہ سنده حالہ اولیہ سی کشیدہ اولندیغندن تاریخندن اعتباراً اوتوز برکون ظرفندہ یوزده بش ضم ایلہ زیادہ طالب اولانلرک بی انچه لرینی مستصحباً کوچک چکمکجہ بدایت محکمہ سی اجرا دائرہ سنہ مراجعت ایللری اعلان اولنور .